



PROTOCOL

da la radunanza generela da la societad da chatscheders DrosLöng dals 19 schner 2023 a las uras 20:15 illa chesa cumünela a La Punt Chamues-ch

Preschaints: 28 A

S-chüsos: 10

Giasts (in connex cul proget da pilot chatscha speciela): 8

Il president evra la radunanza e salüda a tuot ils preschaints.

L'invid cullas tractandas es gnieu tramiss a temp ütil a tuot ils commembers. La glista da tractandas vain accepteda.

La radunanza sto sü ün mumaint per s'algurder a noss camarad trapasso Luis A. Wieser.

Ralf Fluor vegn proponieu ed elet scu scrutinaduor.

Gian Andri fo la proposta da trer ouravaint la tractanda 12, uschè paun ils giasts banduner la radunanza (tuots restan però fin a la fin).. Ils preschaints acceptan la proposta sainza cuntravuschs.

1. Protocol da la radunanza da prümavaira dals 28 avrigl 2022

Il protocol da la radunanza da prümavaira vain approuvo unanimamaing.

2. Rapports

Presidiel

Gian Andri prelegia il rapport cun las activiteds da l'an 2022 e s'ingrazcha per la fiduzcha. Il rapport vain accepto unanimamaing cun applaus.

Dal schef da chüra

Luis infurmescha sur da las differentas lavuors da chüra da l'an passo. Il rapport vain accepto unanimamaing cun applaus.

Dal chaschier

Mattia preschainta il rendaquint 2022 e declera singulas pusiziuns. L'an 2022 serra cun ün guadagn da frs. 735.96. La faculted da la societad importa als 31 december 2022 frs. 72'670.25

Dals revisuors da quint

Ils revisuors da quint manzunan ch'els haun chatto la contabiledad in bun uorden. Ils saldos da banca correspuondan ed ils mussamaints sun avaut maun. Els propuonan a la radunanza generela, d'accepter il rendaquint 2022 e da der dis-charg als organs respunsabels.

La radunanza generela accepta unanimamaing il rendaquint preschanto e do dis-charg a la suprastanza.

3. Fixer las contribuziuns annuelas

La suprastanza propuona da lascher la contribuziun annuela pel 2023 scu fin uossa.

Ils preschaints acceptan la proposta da la suprastanza sainza cuntravuschs.

4. Tschernas dals delegios per la delegeda dals 13.05.2023 (a Trimmis)

Delegios per la delegeda

Ils preschaints sun perinclets, cha quist an dessan Curdin Joos, Heinz Thomas e duos suprastants represchanter la societad da chatscheders Droselöng a la delegeda dals 13 meg 2023 a Trimmis. Natürelmaing paun eir oters commembers piglier part.

5. Accoglientschas ed exclusiuns da commembers

Steivan Planta ho fat la dumanda da dvanter commember A e Roman Fadri Bischoff da dvanter commember B da la societad da chatscheders Droselöng.

Ils sur numnos vegnan piglios sü illa societad sainza cuntravuschs.

6. Undrentschas

Veterans: Duri Campell, Jachen Delnon, Rico Melcher e Gian Battista Meng

Commembers libers: Bernhard Puorger e Cla Rauch

Gian Andri gratulescha ed as ingrazcha per la fiduzcha.

7. Approvaziun dal program d'activitads 2023

Delegeda a Trimmis	13.05.2023
Lavur cumöna	6.05.2023
Di da chüra ufficiel	03.06.2023
Tir a schaubgia (06,13,20,27).07.2023	
Gita	22/23.07.2023
Tir a schaubgia incl. SCEO	10.08.2023
Tir da chatscha	19.08.2023
Saireda da nossa secziun	03.02.2024

8. Propostas a maun da la delegeda 2023 e/o a la cumischiun da chatscha (d'inoltrer in scrit al president fin als 16.01.2023; otras propostas nu vegnan trattedas a la radunanza generela)

Gian Andri infurmescha cha nu sun entredas üngünas propostas. GA preschainta la proposta da la secziun Engiandin'Ota: A dess esser pussibel da piglier cun se il chaun a chatsch'ota sainza examens da saung ubain "Gehorsam". Il chaun nu po gnir ütiliso per la chatscha e stu gnir mno vi da la tschinta.

A vain vuscho in chosa:

26 schi

2 na

9. Correspuenza futura secziun (mail/posta)

A vain proponieu da trametter la correspondenza da la secziun in avegnir a tuot quels chi haun ün'adresa be pü per mail (eir ils quint per la cuntriburziun annuela).

La radunanza es perincletta cun quista proposta cun:

Ils preschaints acceptan la proposta da la suprastanza sainza cuntravuschs.

10. Discussiun a reg. cella da sfrader

Gian Andri infurmierscha a la radunanza che chi'd es sto fin uossa. Il lö ill'ARA a S-chanf es fich adatto, però dumandan els ün fit annuel da frs. 2500.- que chi pera a la suprastanza ün po bger (entredas annuelas da ca. frs. 1900.-). Impü nun es pü cler scha Flurin Schur es pront da surpiglier la survagliaunza da la cella.

Zieva üna vasta discussiun es il seguaint cler:

- Flurin Schur es inavaunt pront da surpiglier la survagliaunza, scha la cella nun es suottamissa a las prescripziuns da gestiuns chi elavureschan charm (nu stess esser il cas, otras cellas da secziuns nu sun que neir).
- Tenor Daniel Godli, sun ils guardgiasulvaschinas oblios da piglier giò las bes-chas illa cella d'üna secziun, scha la secziun metta a disposiziun üna tela.
- Riet Campell, president cumünel da S-chanf fo la proposta dad uzer il quint per l'import da sustegn davart ils cumüns da la Plaiv per pajer il fit annuel a l'ARA.
- La mera part dals preschaints es da l'avis da perseguiter inavaunt il lö a l'ARA e da scrire als cumüns da la Plaiv per ün sustegn supplementer in connex cun la cella.

11. Infurmaziuns davart l'uffizi da chatscha e pas-cha (Daniel Godli)

Causa cha Daniel Godli, schef guardgiasulvaschina district VII von in pensiun zieva 37 ans, ho la suprastanza invido ad el per tgnair ün referat in connex cun sieu temp tal AJF. La preschantaziun es steda fich interessanta.

12. Debriefing proget da pilot „chatscha speziela“

In settember 2022 ho gieu lö ün inscunter traunter Adrian Arquint, Daniel Godli e Flurin Schur (AJF, Gianni Largiadèr s'ho s-chüso) e la suprastanza. Il facit da quell'inscunter es sto il seguaint:

- Il proget da pilot chatscha speziela dess durer davent dal 2022, 3 ans zieva vain trat bilauntsch.
- La chatscha coordinada v.d. las differentas gruppas i'ls sectuors stu gnir tgnida aint be las prümas 2 fin d'eivnas. Davent da la terza fin d'eivna po ir minchün in tuot la regiun SFM a chatscha.
- A vain discus minchan a la rad. generela da la societad da chatscheders Droslöng, scha'ls preschaints sun invaunt prontos da sustgnair il proget da pilot. Impü invida la soc. Da chatscheders Droslöng a tuot ils chatscheders annunzchos illa regiun SFM (chi haun do part lur personalias) ed eir quels sun legitimis da vuscher in quella tractanda.
 - Zieva üna vasta discussiun cun divers argumaints (eir davart dals giasts vain vuscho seguaintamaing:

20 schi (per mantgnair il proget)

6 na (per abolir il proget)

9 abstenziuns

13. Varia

Luis Wieser declera, cha vegnan sgios divers cleragls in connex cun la chüra ma cha mauncha ils agüdaunts. La suprastanza es da l'avis cha que nun es la lavur da tela e dumanda, scha qualchün ho interess da surpiglier que. Ingün nun es pront da fer que.

Gian Andri infurmescha auncha cha nus vains trais novs maistertregants: Erwin Graf, Corrado Robbi e Marc Wolf. El as ingrazcha tar els per lur ingaschamaint.

Gian Andri as ingrazcha per la preschentscha e serra la radunanza a las 22:19.

Zuoz, favrer 2023

In buna fè
l'actuar:

Marc Wolf